

ხელშეკრულება სახელმწიფო შესყიდვის შესახებ N01/23

ქ. თბილისი

5 ივნისი 2017 წელი

ერთის მხრივ სსიპ საგანმანათლებლო დაწესებულების მანდატურის სამსახური (შემდგომში შემსყიდველი) წარმოდგენილი მისი უფროსის ვახტანგ მეიფარიანის სახით და მეორეს მხრივ, შპს „მოდელების სახლი მატერია“ (შემდგომში მიმწოდებელი) წარმოდგენილი მისი ხელმძღვანელის მირიან ქოიავას სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, **NAT170003981** გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგნაირად:

1. ხელშეკრულების საგანი

- 1.1 „გარედან ჩასაცმელი ტანსაცმელი“ (შემდგომში „საქონელი“) (CPV კოდი: 18200000) შესყიდვა ხელშეკრულების პირობების შესაბამისად.
- 1.2 შესასყიდი საქონლის დასახელება, რაოდენობა და ტექნიკური მახასიათებლები მოცემულია მიმწოდებლის მიერ წარმოდგენილ ფასთა ცხრილში დანართი N1, რომელიც წარმოადგენს ამ ხელშეკრულების განუყოფელ ნაწილს.

2. ხელშეკრულების ღირებულება

- 2.1 ხელშეკრულების ჯამური ღირებულება შეადგენს 167 420.00 (ას სამოცდაშვიდი ათას ოთხას ოცი ლარი და 00 თეთრი) ლარს.
- 2.2 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

3. ანგარიშსწორების ფორმა და ვადები

3. ანგარიშსწორების ფორმა და ვადები

3.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში, ეტაპობრივად:

ა) შემსყიდველის მიერ მოხდება მთლიანი სახელშეკრულებო ღირებულების 50%-ის წინასწარ გადარიცხვა, მიმწოდებლის მიერ წარმოდგენილი საავანსოდ გადასარიცხი თანხის იდენტური ოდენობის, საბანკო ან/და სადაზღვევო დაწესებულების მიერ გაცემული საავანსო საბანკო გარანტიის საფუძველზე. საავანსო ანგარიშსწორებას შემსყიდველი განახორციელებს 10 (ათი) სამუშაო დღეში.

ბ) ხელშეკრულების ღირებულების დარჩენილი 50% ანაზღაურდება ხელშეკრულებით გათვალისწინებული პირობების დაცვით საქონლის მიწოდების შემდეგ მიღება-ჩაბარების აქტის საფუძველზე, ფაქტობრივად მიწოდებული საქონლის ღირებულების მიხედვით, შესაბამისი მიღება-ჩაბარების აქტის გაფორმებიდან 10 (ათი) სამუშაო დღის ვადაში.

3.2 მიმწოდებლის მიერ წარმოდგენილი წინასწარი საბანკო გარანტიის მოქმედების ვადა არანაკლებ 30 (ოცდაათი) დღით უნდა აღემატებოდეს ხელშეკრულებით გათვალისწინებული პირობების დაცვით მიწოდების დასრულების ვადას.

3.3 მიღება-ჩაბარების აქტის, საგადასახადო ანგარიშ-ფაქტურისა და/ან სასაქონლო ზედნადების გამოუწერლობის შემთხვევაში, არ მოხდება თანხის გადახდა.

4. საქონლის მიღება-ჩაბარების წესი

4.1 საქონლის მიღება-ჩაბარების გაფორმებამდე შემსყიდველი უფლებამოსილია მიწოდებული საქონლის ერთერთ არჩეულ ნიმუშს ჩაუტაროს ლაბორატორიული კვლევა ქიმიური შედგენილობის შესაბამისობის დადგენის მიზნით. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.

4.2 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს სსიპ საგანმანათლებლო დაწესებულების მანდატურის სამსახურის საფინანსო სამმართველოს კოორდინატორი ზურაბ მარკოზაშვილი.

5. საქონლის მიწოდების ადგილი და ვადა

5.1 საქონლის მიწოდება განხორციელდება შემდეგ მისამართზე: ქ. თბილისი, მ. ალექსიძის ქ. N1.

5.2 საქონლის მიწოდება განხორციელდება ხელშეკრულების გაფორმებიდან 50 (ორმოცდაათი) კალენდარული დღის განმავლობაში.

6. მხარეთა უფლება-მოვალეობები

6.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

6.2 შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

6.3 მიმწოდებელი უფლებამოსილია მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

6.4 მიმწოდებელი ვალდებულია:

ა) მიაწოდოს საქონელი ხელშეკრულებით გათვალისწინებული პირობების შესაბამისად;

ბ) შესაბამისი შეტყობინების შემთხვევაში დროულად აღმოფხვრას მიწოდებული საქონლის შემოწმების შედეგად გამოვლენილი წუნი შემსყიდველის მხრიდან რაიმე დამატებითი დანახარჯების გაწევის გარეშე, ან შეცვალოს ისინი ახალი საქონლით.

7. გარანტია

7.1 წინამდებარე ხელშეკრულების საფუძველზე შესყიდული პროდუქციის საგარანტიო ვადა განისაზღვრება მიღება ჩაბარების აქტის გაფორმებიდან არანაკლებ 10 (ათი) თვის ვადით.

7.2 საგარანტიო ვადის პერიოდში შესყიდული საქონელი სწორი მოხმარების პირობებში უნდა ინარჩუნებდეს თვისობრივ და ხარისხობრივ მაჩვენებლებს; უხარისხო, არასტანდარტული, დაზიანებების მქონე და ზომებთან შეუსაბამო საქონლის აღმოჩენის შემთხვევაში, მიმწოდებელმა ყოველგვარი წინაპირობის გარეშე, წუნის აღმოჩენის ნებისმიერ ეტაპზე, გონივრულ, მაგრამ არაუმეტეს 10 სამუშაო დღის ვადაში უნდა გამოასწოროს ნაკლოვანებები ან შეცვალოს ისინი ახალი საქონლით.

8. პირგასამტეხლო ხელშეკრულების პირობების შეუსრულებლობისათვის

8.1 ხელშეკრულების შესრულებაზე ცალმხრივად უარის თქმის შემთხვევაში მიმწოდებელი უხდის შემსყიდველს ჯარიმის სახით ხელშეკრულების ღირებულების 20%-ს.

8.2 მომსახურების მიწოდების განსაზღვრული ვადის დარღვევის შემთხვევაში, მიმწოდებელი ყოველ ვადაგადაცილებულ დღეზე იხდის პირგასამტეხლოს შესასრულებელი ვალდებულების 0.02 %-ის ოდენობით.

8.3 ხელშეკრულების ნაწილობრივ შესრულების შემთხვევაში, პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

8.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

9.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, თავდაპირველად დადებული ხელშეკრულების ჯამური ღირებულების გაზრდა დაუშვებელია 10%-ზე მეტი ოდენობით.

9.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.5 მხარე ვალდებულია 9.4 პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

9.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9.7 ხელშეკრულება შედგენილია 3 (სამი) თანაბარი ძალის მქონე ეგზემპლარად, რომელთაგან ერთი გადგემა მიმწოდებელს, ხოლო ორი შემსყიდველს.

10. დაუძლეველი ძალა

მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11. დავები და მათი გადაწყვეტის წესი

ხელშეკრულების მოქმედების პერიოდში, წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს კანონმდებლობის შესაბამისად.

12. ხელშეკრულების მოქმედების ვადა
ხელშეკრულება ძალაში შედის ხელმოწერისთანავე და მოქმედებს 2017 წლის 31 დეკემბრის
ჩათვლით.

მხარეთარეკვიზიტები:

შემსყიდველი:

სსიპ საგანმანათლებლო დაწესებულების
მანდატურის სამსახური

მის: ქ. თბილისი, მ. ალექსიძის ქ. №1

საიდენტიფიკაციო კოდი 205 296 650

სახელმწიფო ხაზინა

კოდი 707667116

ტელ: 2200220 (3023)

სამსახურის უფროსი

ვახტანგ მეიფარაძე



მიმწოდებელი:

შპს „მოდელების სახლი მატერია“

მის: კოტე აფხაზის ქ. N22

ს/კ: 204470027

ბანკი: სს „საქართველოს ბანკი“

ბანკის კოდი: BAGAGE22

ა/ნ: GE63BG0000000361517900

ტელ: 599 13 87 87

ხელმძღვანელი

მირიან ქოიავა



#	საქონლის დასახელება	საქონლის ძირითადი მახასიათებელი	რაოდენობა (ცალი)	ღირებულება	
				ერთეულის ფასი	სულ ფასი
1	ქვედატანი	ქვედა კაბა – სწორი სილუეტის, წელზე ნაცრისფერი (სერი) გასაფორმებელი კანტით, იკვრება უკან ელვა-შესაკრავით და ერთ ღილზე ერთი დილკილოთი, უკან შეხსნილი. მუშავდება სარჩულით. შენიშვნა: გამოსაყენებელი მასალაა: ძირითადი ქსოვილი დიაგონალი ლურჯი ფერის. ქსოვილის ბოჭკოვანი შემადგენლობა: პოლიესტერი არანაკლებ 60% არაუმეტეს 70%, ვისკოზა არანაკლებ 30% არაუმეტეს 40%, ქსოვილის წონა არანაკლებ 200გრ/მ² არაუმეტეს 240 გრ/მ², სარჩული პოლიესტერი.	900	22.8	20520
2	შარვალი (მამაკაცის)	მამაკაცის – სწორი სილუეტის ჩაკერებული ქამრით (კორსაჟზე) შვიდი საქამრით, იკვრება ელვა შესაკრავით, მეტალის შესაკრავით, ორი ღილით ორ დილკილოზე. შარვლის წინა ნახევრები მუშავდება სარჩულზე გვერდითი დახრილი ჯიბეებით, ჯიბეებზე ნაცრისფერი (სერი) გასაფორმებელი კანტებით, წელის ხაზზე ერთი ნაკვეთი. • შარვლის მარჯვენა უკანა ნახევარზე მუშავდება გაჭრილი ერთკანტიანი ჯიბე შენიშვნა: გამოსაყენებელი მასალაა: ძირითადი ქსოვილი დიაგონალი ლურჯი ფერის. ქსოვილის ბოჭკოვანი შემადგენლობა: პოლიესტერი არანაკლებ 60% არაუმეტეს 70%, ვისკოზა არანაკლებ 30% არაუმეტეს 40%, ქსოვილის წონა არანაკლებ 200გრ/მ² არაუმეტეს 240 გრ/მ², სარჩული პოლიესტერი.	400	28.5	11400
3	შარვალი (ქალის)	ქალის – სწორი სილუეტის, ჩაკერებული ქამრით, ექვსი საქამრით, იკვრება ელვაშესაკრავით, ერთ ღილზე ერთი დილკილოთი. შარვლის წინა ნახევრები მუშავდება სარჩულზე, გვერდის დახრილი ჯიბეებით, ჯიბეებზე ნაცრისფერი (სერი) გასაფორმებელი კანტით. შენიშვნა: გამოსაყენებელი მასალაა: ძირითადი ქსოვილი დიაგონალი ლურჯი ფერის. ქსოვილის ბოჭკოვანი შემადგენლობა: პოლიესტერი არანაკლებ 60% არაუმეტეს 70%, ვისკოზა არანაკლებ 30% არაუმეტეს 40%, ქსოვილის წონა არანაკლებ 200გრ/მ² არაუმეტეს 240 გრ/მ², სარჩული პოლიესტერი.	900	28.5	25650

4	პიჯაკი (მამაკაცი)	ნახევრად გამოყვანილი, ერთ კალთიანი, იკვრება სამ ღილზე და სამ ღილკილოზე. სახელო ორ ნაწილიანი. სახელოს ჩაკერების მხრის არეში ჩაყოლებული სამხრეებით (ლიპეებით). მარცხენა მკლავზე საქართველოს განათლებისა და მეცნიერების სამინისტროს სსიპ საგანმანათლებლო დაწესებულების მანდატურის სამსახურის ლოგოს გამოსახულებით, მარჯვენა მკლავზე საქართველოს დროშის გამოსახულებით. კალთაზე გაჭრილი სარქველიანი ჯიბეებით. მარცხენა ზედა მხარეს ფურცელაკიანი გაჭრილი ჯიბით. საყელო გადაფენილი დგარით. ზურგი ორ ნაწილიანი, ბოლო შეხსნილი. პიჯაკი დამუშავებულია სარჩულით. წინა კალთები დამუშავებული უნდა იყოს ქსოვილის წებოვანით. პიჯაკის წინა ნაპირი და ჯიბეები გაფორმებულია 2-3 მმ ნაცრისფერი (სერი) კანტით. შენიშვნა: გამოსაყენებელი მასალაა: ძირითადი ქსოვილი დიაგონალი ლურჯი ფერის. ქსოვილის ბოჭკოვანი შემადგენლობა: პოლიესტერი არანაკლებ 60% არაუმეტეს 70%, ვისკოზა არანაკლებ 30% არაუმეტეს 60%, ქსოვილის წონა არანაკლებ 220გრ/მ² არაუმეტეს 260 გრ/მ², სარჩული პოლიესტერი.	400	84.5	33800
5	პიჯაკი (ქალი)	ნახევრად გამოყვანილი, ერთ კალთიანი, იკვრება სამ ღილზე და სამ ღილკილოზე. სახელო ორ ნაწილიანი. სახელოს ჩაკერების მხრის არეში ჩაყოლებული სამხრეებით (ლიპეებით). მარცხენა მკლავზე საქართველოს განათლებისა და მეცნიერების სამინისტროს სსიპ საგანმანათლებლო დაწესებულების მანდატურის სამსახურის ლოგოს გამოსახულებით, მარჯვენა მკლავზე საქართველოს დროშის გამოსახულებით. კალთაზე გაჭრილი სარქველიანი ჯიბეებით. მარცხენა ზედა მხარეს ფურცელაკიანი გაჭრილი ჯიბით. საყელო გადაფენილი დგარით. ზურგი ორ ნაწილიანი, ბოლო შეხსნილი. პიჯაკი დამუშავებულია სარჩულით. წინა კალთები დამუშავებული უნდა იყოს ქსოვილის წებოვანით. პიჯაკის წინა ნაპირი და ჯიბეები გაფორმებულია 2-3 მმ ნაცრისფერი (სერი) კანტით. შენიშვნა: გამოსაყენებელი მასალაა: ძირითადი ქსოვილი დიაგონალი ლურჯი ფერის. ქსოვილის ბოჭკოვანი შემადგენლობა: პოლიესტერი არანაკლებ 60% არაუმეტეს 70%, ვისკოზა არანაკლებ 30% არაუმეტეს 60%, ქსოვილის წონა არანაკლებ 220გრ/მ² არაუმეტეს 260 გრ/მ², სარჩული პოლიესტერი.	900	84.5	76050
ჯამი:					167420

3. 23

სამსახურის უფროსი: ბ.ა

ვახტანგ მეიფარიძე



ხელმძღვანელი ბ.ა

მირიან ქოივაძე

